



Il concept general dal parc Madrisa a Claustura cun sia purschida complessiva ha persuadi la giuria che ha undrà quai cun il Cristal da Pro Infirmis 2015.

MAD

## Il parc Madrisa ha gudagnà il Cristal da Pro Infirmis 2015

■ **Servetschs ed indrizzs publics duain star a disposiziun senza restricziuns er ad umans cun impediments. En quest connex ha Pro Infirmis lantschà ensemen cun l'organisaziun da marketing chantunala Grischun Vacanzas ina concorrenza per ils purschiders da servetschs turistics.** 24 purschidas da vacanzas e da temp liber sco era differents projects èn vegnids nominads per il Cristal da Pro Infirmis 2015. Il concept general dal parc Madrisa a Claustura cun sia purschida complessiva ha persuadi la giuria.

Per premiar il duschavel Cristal da Pro Infirmis ha pudì vegnir gudagnada ina giuria cun personalitads dal turissem, da l'economia, da la politica, d'organisaziuns professiunalas e persunas pertutgadas. La giuria ha già l'incumbenza difficila da cumparegliar e valitar las 24 nominaziuns. Ils criteris centrals èn stads l'integraziun da tut ils umans cun basegns spezials, l'accessibladad senza barrieras, las pussaivladads da distgargia e da tgira sco era la proporziun tranter pretsch e prestaziun.

Il parc Madrisa a Claustura è il pli grond parc da divertiment da stad e d'enviern en las Alps svizras, il qual è accessibel e po era vegnir duvrà senza restricziuns d'umans cun impediments corporals. Il parc vegn adattà cuntinuuadamain als basegns da persunas cun handicap. Persunas en sutgas cun rodas profitan era da reducziuns complessivas sco viadis gratuits, entradas gratuitas e pernottaziuns gratuitas. Famiglias

e gruppas, giuven e vegl, umans cun e senza impediments pon s'inscuntrar là en in ambient agreabel senza custs supplementars. Grazia a las infrastructures per gronda part libras da barrieras è il parc Madrisa per tut las persunas in eveniment da qualitat superiura. *Hacher Bernet*, manader da fatschenta da las pendicularas Madrisa ed iniziand dal parc Madrisa, ha prendì encunter cun plaschair il Cristal da Pro Infirmis dotà cun 3000 francs e surdà dal cusseglier guvernativ *Jon Domenic Parolini*.

In Cristal pitschen, ed uschia mingamai 1000 francs, han survegnì las purschidas «vacanzas accompagnadas a Sent» e l'uniun «FreiZeit». Las «vacanzas accompagnadas a Sent» porschan ad umans cun impediments vacanzas nuncumplitgadas en ina pitschna pensiun en l'Engiadina. In program da vacanzas individual ed in stretg contact cun la famiglia ospitanta èn garantids. L'uniun «FreiZeit» organischa in accompagnament orientà al basegn, individual e favuravel per umans cun handicap. La purschida d'accompagnament augmenta l'indipendenza dals pertutgads e pussibilescha inscunters nuncumplitgads en tut ils spazis publics.

La surdada dal premi Cristal demussa che la visiun da l'accessibladad senza barrieras en il Grischun sco chantun da turissem è gia realisada en blers puncts. Ils traits victurs èn exemplarics e represchentan tut las purschidas inoltradas.

*Pro Infirmis Grischun/Grischun Vacanzas*